

SARS YI ENDLA XIMODENI MITIVISO YA KHASITOMO YA NTLULANDZELEKANI MAYELANA NA MIMOVHA YA MATIKOMAMBE KU SUKELA HI TI1 KHOTAVUXIKA 2026

Tshwane, 19 Mudyaxihi 2023 – Vukorhokeri bya Xibalo bya Afrika-Dzonga (SARS) byi ta, ku sukela hi ti1 Khotavuxika 2026, lava leswaku mimovha hinkwayo leyi tsarisiweke ematikwenimambe yi tivisiwa eka Sisiteme ya Vufambisi bya Vaendzi (TMS) yi nga se nghena kumbe ku huma eAfrika-Dzonga.

Khomixinara wa SARS Dkd. Johnstone Makhubu u vurile leswaku tshalatshala leri ri longoloxiwe na Afrika-Dzonga leri nga na endlelo ra Khasitomo ra misava leri hlulukisiweke no vumba xiphemu xa phurogireme leyi yaka emahlweni ku endla ximodeni mitirho ya khasitomo eka ndhawu yo nghena no huma, ku tiyisisa vulandzelelanawu no sirhelela xindzhuti xa ndhawu yo nghena no huma ya laha tikweni. U ye mahlweni a kombisa leswaku ri phakela mivuyelo yo vonaka leyi katsaka "ku kotisa nhlahluvo wo antswa lowu seketeriweke hi nxungeto, ku tiyisa nkondletelo na vulawuri byin'wana no antswisa ntokoto hinkwawo wa muendzi. Ri tlhela ri seketela swiboho swa vuvonikeri bya swa timali bya Afrika-Dzonga no ndlandlamuxa vuhlayiseki bya rixaka hi ku tiyisisa leswaku tinhundzu, kharensi na mimovha swa tivisiwa kahle no hlahluviwa swi nga si nghena kumbe ku huma."

Laha mimovha ya matikomambe yi nga tundziwa swa nkarhinyana, mipfumelelo ya ntundzo wa nkarhinyana leyi nga na nkarhi wa ku va enawini wa ntsevu wa tin'hweti yi nga humesiwa, naswona mipfumelelo yaleyo yi nga tirhiseriwa mitlulandzelekaninyingeni enkarhini wa nkarhi wolowo handle ka xilaveko xo endla xikombelo nakambe eka ndhawu yin'wana na yin'wana. Marendzo ma ntulandzelekani ma ntirho, dyondzo, bindzu, nhletelo wa swa rihanyo kumbe swivangelo swin'wana leswi nga enawini hi mikarhi yo tala a ma khumbi ku va enawini ka mpfumelelo, loko ku ve wu tshama wa ha tirha naswona wu pfuxetiwele wu nga si heleriwa hi nkarhi. Phurosesi yi endlile ku endla vulandzelelanawu byi qondha lokohletlhelo yi antswisa vulanguteri, nkancinco na nkamboyamelatlhelorin'we endzelekanini. Mahungu eka swilaveko swa nkarhinyana swa ntundzo swa Khasitomo swa kumeka eka <https://www.sars.gov.za/customs-and-excise/>.

Hiletlhelo langutelo wa SARS hi leswaku vaendzi va ta tivisa mimovha ya vona leyi tsarisiweke ematikwenimambe eka Sisiteme ya Vufambisi bya Vaendzi (TMS) va nga se fika endzelekanini ku tirhisa phurosesi leyi olovisiweke no hatlisisiwa leyi nyikiweke, Dkd. Makhubu u tiyisisa leswaku SARS yi ta ya emahlweni yi seketela vaendzi lava nga kotiki ku tata ntiviso eka inthanete naswona yi ta rhumela vatirhi lava tinyiketeleke eka tindhawu to nghena ku letela vaendzi eka phurosesi. U yile emahlweni a lemuka leswaku loko mitiviso ya le ka inthanete yi antswisa mikarhi yo phurosesa, a yi sivi milawulo ya ndzelekani hi nyama, naswona hinkwawo va ha fanele

ku ti yisa eka Khasitomo mayelana na ntiyisiso, ku phurosesiwa, na nkambelo (laha swi faneleke).

Khomixinara u tiyisisile leswaku "Vulandzelelanawu a hi nhlawulo; vinyi va mimovha lava nga tivisiki mimovha leyi tsarisiweke ematikwenimambe kumbe lava nyikaka mahungu ma vunwa kumbe lama nga helelangiki va tihumesela ehandle eka switandzhaku swa nsindziso wa nawu na ku phurosesiwa ko leha endzelekanini. Ndzi tlhela ndzi tsakela ku tiyisisa hi vuntshwa leswaku laha vinyi va mimovha va landzelelaka swilaveko hinkwaswo swa xinawu, phurosesi yi ta rhelela, hambiswiritano, laha vulandzelelanawu byi nga ehansi, leswi swi nga fikisa eka mihlwelo eka mitlulandzelekani".

SARS yi hlohotela vinyi va mimovha ya le matikwenimambe na vatirhi va ntlulandzelekani ku tirhisa swihlovo swa SARS swa ximfumo mayelana na ndzetelo wo lulama na ku twisisa maendlelo mantshwa ma ntiviso ku nga si fika siku ra ntirhiso ra ti1 Khotavuxika ku fikela sweswi.

Mahungu mo engetela ma kumeka eka <https://www.sars.gov.za/travellerdeclaration/> na <https://www.sars.gov.za/customs-and-excise/>, kumbe hi ku tirhisa SARS MobiApp.

Swivutiso swa vuhangalasangamhungu swi nga rhumeriwa eka SARSMedia@sars.gov.za.